



UNIVERSITÄTS-
BIBLIOTHEK
PADERBORN

Rei Christianae Apvd Iaponios Commentarivs

Trigault, Nicolas

Avgvstae Vindelicorvm, 1615

De Rei Christianæ in Insulis Amacusanis progressu. Capvt X.

[urn:nbn:de:hbz:466:1-68745](#)

omnem expulisse animaduersa est. Hæc ubi vidit puellulæ parens, pro parente etiam plura missæ sacrificia celebraui iussit: & idem cæteri eius propinqui & amici præstitere. Ea res mulitorum, qui interfuerant auctoritate confirmata longè lateque peruasit: qnod diuino consilio quis dubitet factum in viuorum emolumen-
tum? nam eo in pago alijsque vicinis exinde frequens sermo: quām vtile esset vitā functis Christiano ritu parentare: quām vera essent, quæ sibi à Patribus de alia vita dicerētur; quām certum, hominis animum esse immortalem, eumque bonorum ac malorum præmia recipere. hæc enim atque alia ex hoc euentu colligebant: & si qui fortasse de his non satis Christiane sensissent, in accepta fide confirmabantur, & rei quidem veritas, non ex sola narrantium auctoritate constitit; sed è fructu vitæ melioris, qui oculatos maxime rei testes tetigit; omnes enim in seipso descendentes, insignem morum ac vitæ mutationem instituerunt.

De Rei Christianæ in Insulis Amacusanis progressus.

C A P V T . X.

DVO sunt quæ Amacusanæ Insulas excolentibus, magnos pariunt labores: nam primùm montana regio, non nisi multis sudoribus peruis,

peruia, excursiones ad Neophy whole diuerfissimis locis sparsos præpedit, & excurrentes mirè fatigat: Verùm fructus laborem lenit, si non planè abstergit. Alterum quod huius vineæ cultores detinet, est, Dynastæ in Christi fidem malevolentia eò grauior, quod insolitam superiorum annorum sub Christiano Principe amissam libertatem luget: in his tamen insulis Dynasta, si sic licet dicere, conniuente, tres nostrorum sedes numerantur, quarum hæc sunt nomina Xiqui, Consura, Saxinoxu, verum è tribus vna, tertio de quo agimus anno, detracta est, ideo quod Dynastæ facultas, sese ad sacerdotes è nostris duos contraxisset; detracta igitur Saxinoxu cæteræ solitum cursum tenent; in his anno quolibet sexaginta ferè ad Christum accesserunt: Ethnici enim complures qui prius deerant, vna cum Ethnico Dynasta confluxere: magnus est semper Neophytorum feroe, quoties maximè suis temporibus reuisuntur;

1609. In quodam Neophytorum pago feitorum dierum sanctitatem, cæterorum exemplo neglecto, quidam seruili opere facile violabat: ea res cæteris erat offensioni, nec tamen se se violator corrigebat, nisi prodigo territus: quoties enim per eos dies, quibus seruilia opera interdicuntur, ad opus suum pergebat, toties in sedissimum colubrum ex itinere incidebat, eum
sepius

sæpius confidere conatus, cum quoties idem parabat, ex oculis sese coluber prodigiosè è subducit. ea res sæpius repetita effecit, ut se ipse Neophytus inspiceret, & immisso diuinitus prodigio ad emendationem vteretur. Tenacior fuit Ecclesiasticorum præceptorum mulier, quæ nuptiarum causa, cum in sponsi pagum deuenisset, præter opinionem in absentiam nostri sacerdotis inciderat: ergo adduci nunquam potuit, licet à sponso sæpius euocata, vt in eius ædes migraret prius, quam in Ecclesiæ facie rite contraxisset: bimestre igitur spatium alijs in ædibus præstolata, nuptias distulit, & cæteros Neophytes exemplo salutari admonuit, quam non temere Ecclesiastica præcepta negligenda. Non absimilis huic fuit, nisi quod in Diuinis præceptis obseruantia versabatur, Alterius Neophytæ, castitatem suam defendantis, constantia: neque enim illa strictum pugionem verita est. vulnus in corpore exceptit, ne animo sauciaretur. Eiusdem fortasse est argumenti, vt in omni ætate sexuq; constantiæ demus exemplum, quod puero Neophyto scribitur contigisse. Eum parentes æquæ Neophyti secum ad amicum sacrificulum deduxerant, officij causâ visitandum: sacrificulus officiosè Neophytes excipiens in fanum deduxit, & orizam tostam obtulit, quæ prius coram simulacris Ethnico ritu constiterat. Neophytus parum Christianæ officiosi, quod oblatū idolis constar

constabat, degustarunt : sacrificuli offendit
sam subtilentes, eius quoque portio à sacrificio
eulo puero oblata: verùm ille nihil parentum
exemplo permctus de pietatis rigore remisit:
nam sacrificuli manum oriza plenam succuti-
ens, idolothyrum in terram excussit, cum di-
cto: Non is ego sum, qui his sordibus vescar.
quo pueri facto, responsoqué, non sacrificulus
minus, quām parentes admirati, rem præclarè
factam suo rubore comprobarunt.

1610. Neque in solis Neophytis excolendis
fructus fuit; nonnulli qui persecutionum vi e-
languerant, vires animosqué collegere, altiusq;
repetitas fidei nostræ conciones in animum ad-
misere: id maximè præstiterunt pagi cuiusdam
incolæ: qui nunc tametsi duas leucas ab æde sa-
cra distent, Dominicis tamen, ac festis diebus,
ad sacros cætus ferè concurrunt, quo nouo pie-
tatis studio quanto sint, quām prius in fide fir-
miores comprobant. hanc ipsi animorum per-
mutationem, secundum Deum, vetulæ cuidam
acceptam ferunt, quæ in eum locum demigra-
rat: inter eos enim Cambo munere fungebatur
(ita vocant eum qui ædi præest, & res sacras cu-
rat, sicubi sacerdos desit) paucos igitur illos, quæ
ceteris lapsis superfuerat, Neophy whole, ipsa dieb
sacris in ædes suas cogebat, & nixos genibus
coram

coram Christi seruatoris effigie, quam Pater ijs reliquerat, ad orandum prouocabat, quæ sciebat de rebus Diuinis, sciebat autem quamplurima ijs exponebat, vt in fide fierent fortiores: quibus auxilijs ad res Diuinæ maiorem ardorem afferebant; & multi se ad Christi ouile referebant. Idem post obitum his Neophytis, qui etiam nunc sibi constant, videtur à Domino impetrare, quod viuens procutabat anus.

Ex ijs qui à turpi defectione ad Christi astræ redierunt, vnuſ conciones Catecheticas ex integro, de more audiebat, quadam die Patrem ita compellans: Nunc sanè Diuina luce afflatus, horum, quæ dicitis veritatem ita sum assecutus, ut si coram omnia quæ ad pænam inuenta sunt tormenta statuerentur, arbitrer non posse ab ijs animum meum expugnari. Breui domestico infortunio à Domino probatus ostendit, quām verè fuisset hæc prolocutus. filiolus eius ex ægritudine decumbebat: intellexitque à socru sua, conscientia etiam vxore, quas à fidei firmitate nimius in puerum amor deturbarat, clam puerorū ritus aliquos Ethnicos adhibitos fuisse. Quod tam grauatè tulit constans Neophytus, vt tantuſ scelus, ac si ipſe commisſet, ſibi ſuscepere ita expiandum. Ergo quinquaginta & ſex dierum iejunium ſibi imperat: idque tanta asperitate, vt ad orizam iuſculo ſuperfuſo tintam, nihil per eos dies edulij addiderit. Nihil interim prode-

ranc

rant puerō ritus per summum scelus adhibiti.
quare ad saniora consilia pueri Parens conuer-
sus, supra iejunium, quod pro expiando scelere
suscipiebatur, magna Matri votum nuncupat:
quo vix bene concepto, repente puer sanitati
redditur, magna cæterorum admiratione fidei-
que confirmatione.

Neophytos Ethnicoſque iſtos Insulareſ,
ſancte peracta cuiusdam ſenis vita morsq; per-
mouit: iſ annos duos & octoginta expleuerat, e
quibus ſex ſeptemū extremos, in mapali quo-
dam, ab omni hominum conſuetudine remo-
tus transigebat, ratus meliorem ſibi multarum
imaginum, quas adiunixerat, ſocietatem, quam
humanam eſſe: nemo igitur ei cohabitabat. nec
vlla domus ad iactum ſclopi viſebatur; id æta-
tis ſe ſuo labore ſuſtinebat: quin etiam ſibi ſæ-
pe ad alios iuuandoſ aliquid detrahebat: eum
non ſemel prouocauerunt loci illius incolæ
Ethnici, ut ad idola, quorum ſacrificulus olim
fuerat, rediret: ſe ei ad vitam neceſſaria ſubmi-
nistratuſoſ: eam enim vitæ asperitatem, quam
ipſe ſibi indixerat, per ætatem, perpetuam eſſe
non poſſe. Verum ille profana consilia conſtan-
tiſſimè reiecit; afferens habere ſe, ad quem re-
curreret, (Patrem nominans) ſi per ætatem ipſe
ſibi prouidere non poſſet. Eo tempore quo ſu-
pra dixi, nunquam prætermiſit bonus ſenex,
quin quolibet anno, quater aut quinqüies pa-
nitent.

nitentia & Eucharistia sacramenta frequenter, & tamen quinque leucas aberat ædes sacra iterque erat asperum, & non parum impediatum: ita cordatus et ac simplex, tantoque in Deum Virginemque matrem animo, ut quies ad ædem sacram visendam se accingeret, prius in genua prouolutus coram imaginibus haec dicere soleret: Domine Iesu Christe, Tuq; Virgo Maria, ego Xiqui cogito ad expiandum peccatis animum sacroq; epulo reficiendū, ite, at cum per ætatem ac vires, vix incedam: rogo vos ut in hoc itinere me iuuetis, ne in eo deficiam, titubem aut impingam, dum huc merecepero: & licet amplius inurbanus rogo, quia quid tamen per aliū id mihi non licet: quæ lovit hanc mihi supellestilem in redditum custodiatis. Videtur hic senis candor Deo ac Virginis cordi fuisse: nam in itinere difficillimo, in quo ipsi validiores non parum laborabant, bonus senex nunquam per tot annos impegit, aut lapsus est, nec è tenui supellestili quicquam vñquam defuit: tametsi ab omnium hominum custodia remotus habitaret. Cum ita viueret, non semel auctor illi fuit Pater, vti in Populi frequentiam sese referret, posse illum repente mori & eius cadauer à feris lanari prius, quam in pago quicquam de eo resciretur: Verum ille Deo ac virginis fidens, sua se solitudine abduci non sinebat, nec eum spes



Spes sua fefellit : cum hoc ipso anno ad Nata-
lis Dominici festiuitatem celebrandam in
Christianorum sedem Xiqui aduenisset , Patri
dixit ; videri sibi velocem fore sti tabernaculi
depositionem : idem in reditu vicinis Neo-
phytis enunciauit , seque in suum tugurium
recepit : ea ipsa nocte sensit ægritudinem : id
cum , nescio quomodo , Neophyti resciuis-
sent , ad eum visendum accurrere , quibus ille
denuo prædixit se breui moriturum , itaque
rogare , ne eum hoc tempore desererent ; sed
suis orationibus adiuuarent . Præsentibus
ergo Neophytis omnibus , bonus senex è
ipsa nocte , quâ venerat , quietissimè & san-
ctissimè in Domino obdormiuit : nunquam
ad extremum usque spiritum sacratissimo Ia-
su ac MARIAE nomina intermittens . eo-
dem accurrit Pater ; sed iam in cælos , ut spe-
rare par est , abierat . Ergo eius funus maxi-
ma , qua potuit , pompa procurauit ; ad quam
plurimi concurrerant : quos omnes Christia-
nos vel Ethnicos , funebris apparatus , sed lon-
ge magis sanctissimi senis memoria vitaque
integerrime gesta permouit .

Apud Iaponios consuetudinum suarum
in remilitari maxime tenacissimos , valuit Neo-
phyti moderatio , quâ subiungam . Christianus
miles suspicabatur Toparcham suum iniustum

I z sibi

sibi mortem machinari, non quidem in causa fidei, sed eò quòd Colonos quosdam, miseratione permotus, ab iniuria, nescio qua, curialium suorum liberarat. Ergo se accurata peccatorum confessione comparat ad Christianè occumberendum: ac tametsi erat innocens, statuit nihilominus ei se minimè nocitum, qui ad se confiendum mitteretur: sed potius audita mortis causa, quantumlibet iniqua esset, arma traditum: Porro si palam, dissimilatè tamen ac inopinatò aggressores in se irruerent, se vitam defensurum, at hostes non offensurum: donec patet facta sua innocentia moreretur. Hoc posteriore modo in insontem Neophytum irruunt sicarij permulti. neque enim pauci ad eum confidiendum, qui animosus & pugnax habebatur, suspecturi videbantur: potuerat Neophytus ferire aliquos atque confodere, sed propositi memor, & cupidus mortis, non procul ab æde sacra oppetendæ, iictibus sicariorum occurrens: sensim ad eam se recepit, ingredi tamen noluit, ne ansam præberet eam innocuo cruento contamendi: ibi substitit atque confossum est, priusquam de innocentia sua loquendi facultatem impetraret. Stupuere omnes Neophyti consilium, quod, contra Iaponicum morem, non aliquot prius confodisset, quam occumberet: constituerat enim omnibus è repugnandi modo, studio illum à vi abstинuisse, hoc solo nomine,

quod

quod esset Christianus. similis fuit marito vxor, tametsi eam partus dolores eo ipso momento inuaserant, quo de mariti cæde inaudiuit, quâ perfectâ iustitiæ, vel potius iniustitiæ ministri ad bona defuncti proscribenda, in ædes irruerunt: rata mulier se quoque ipsam ad mortem peti, ait: Non equidem me propria manu conficiam (id enim Ethnicæ mulieres non raro faciunt) licet animus mihi non desit, sed ideo solum quod id sciam Christianis (quas profiteor) legibus prohiberi: porro si ad inferendam mihi mortem venitis, rogatos vos velim ut tantillum spatum ad comparationem ex Christianorum instituto detis, confido enim, quamquam absit sacerdos, Deum dolore meo prouocatum peccata oblitteraturum. Verum illi affirmarunt, se ad eius bona describenda, non ad inferendam vim venisse. Tum illa de Marito sciatur, qualem se in moriendo gessisset; quem cum audijisset Christianè interijsse, sacris speciatim nominibus ad extremum usque spiritum inuocatis, acquieuit: nec ullam sibi lacrymulam elabi passa est virago Christiana: quin potius Deo gratias egit quod maritus, quam conceperat, in moriendo tenuisset rationem, sperans innocentia suæ illum pennis elatum in caelos auolasse.

Sacri Agni cera vim suam aduersus Daemones, in Ethnica etiam fæmina exercuit.
Ea erat

Ea erat Nobilis Matrona, quam humani generis hostis inuaserat; ad eam liberandam vix fuit vlla supersticio ac ritus, qui non adhiberetur, sed frustra. Nunciatum sub idem tempus, à Neophyto quodam, sacri agni cera è collo energumenis appensâ, Dæmones fugari: rogatus est Neophytus obnixè, id ut faceret: fecit, eoque ipso momento mulierem importunus possessor dimisit. Idem quoque videtur vi lustrali aquæ perfectum. Christianam mulierem Daemon inuaserat; quantum quidem apparebat, nam ut alia indicia omittam: sentiebat se vehementis velut ignis halitu afflatam ardere: ex qua puer Christianus querit, ecquid velit: vinum illa postulauit. intellexit puer ignem igni additum iri: sed ne tamen energumenæ auxilium petitum negaret, vinum aqua lustrali clam dilutum obtulit, eo epoto, sensit ignem illum temperari, se planè à vexatore liberata. quo in utroque prodigio Neophytorum fides cum sacris rebus, Deo annuente, concurrebat.

Insignem tolerantiam ac firmitatem infidei causa mulier, tametsi domesticè duntaxat oppugnata, præ se tulit: habebat illa filiam coniugio Nobilis, & copiosi militis illigatam; gener erat Ethnicus, sed filia longe magis: ea ut Christi sacra susciperet, cum genero ac filia sua consilia communicavit, iisque responderunt;

derunt, in rebus, quæ ad salutem pertinerent,
cuique suam esse libertatem. Vbi tamen Chri-
stianè caput vitam instituere & idola detestari.
eam rem gener, ac filia potissimum, ferebant
impotenter: ergo statuerunt eam sic tractare
ut à Christo auerterent: laborarunt; frustra ta-
men. Ergo filia præ reliquis crudelior matrem
sibi vexandam torquendamque suscepit. Dici
non potest, quantum religionis tuendæ causa
pertulerit, ipsi nepotuli matris exemplum se-
quentes, auiam male mulctabant, sed nihil po-
terat eius aut fidem aut patiendi voluntatem
labefactare. Ergo impia filia ut parenti suæ æ-
græ faceret, clam ei precatorios globulos, sa-
cramque effigiem ex ijs appensam subduxit.
Quæ cum ea suas opes appellaret, sensit co-
rum iacturam intimè. Itaque quo tempore
domum euerrebat, drachmam suam requiri-
rens, tota erat in luctu ac planctu. Me misera-
ram, aiebat, qui viuere possum absque rosa-
rio meo ac medalja, quid prætexam apud Pa-
trem tam male à me thesaurum illum, quem
mihi dederat, asseruatum? Luctu isthæc exer-
cita quidem, sed non euersa, denique Pa-
trem adit, infortunium nunciatur, ciusque
sensum lacrymis abunde testatur. Noster
mulierem solatus omni culpa eximit, ac si-
mul omnia illi noua restituit; quæ cum
acciperet, doloris illi lacrymæ in gaudijs

L. 4.

fictus

fletus, nihil mutato fonte, proruperunt. ut tamen se ab hac imposterum, ceterisque molestia liberaret, nec in perpetuo salutis suæ discrimine versaretur, statuit sibi ex ædibus filiæ emigrandum, cum paupertatis subeundæ molestia in qua nunc extremè conflictatur, sed mirum quam alacriter, dum se sacram ædem adeundi missas audiendi, peccata expiandi, sacras conciones excipiendi, quæ nunc fruitur libertate, solatur.

Adolescens annorum ferè octo supra decimam, fuit in retinenda fide insigniter admirabilis: eius nobile certamen sigillatim describam; nihil veritus in egregio facinore minutias omnium persequi, quæ ad rem videbuntur. Paulus iis honorarius erat puer Toparchæ cuiusdam, cui nomen Mondodone, eum herus, quod ingenio præditum aduerteret, in ludum ædis nostræ amandarat, ut in eo Iaponico more legere disceret ac scribere. Eo in ludo ex domesticorum nostrorum consortio, atque ex ijs quæ de sacra lege nostra videbat ac audiebat, ita affici capi, ut eam susceperit inconsulto hero ac Parente, qui in eiusdem erat famulatu: ea suscepta, ut erat acer ingenio & probæ indolis, in religionis veritatem altè penetrauit, virtutemque ita coluit, ut reliquis esset incitamento, orationi mirè addictus, modestus, in expiandis peccatis frequens & accuratus; Erat hæc nimirum eorum quæ

que subsequuntur prælusio: siquidem iam hero
res suboluisset. Verum ne à discendo auertere-
tur; dissimulabat, ratus eum quod ex antiquis es-
set familiae suæ asseclis parente & avo, prognas-
tus, facile reuoçandum. Id non raro insinuabat,
addebatque eum per ætatem legis Christianæ
capita non altius quam in aures pueriliter ad-
missurum; eaque se quoties vellet uno verbulo
crepturum, itaque rem eam negligebat, de qua
ea palam subinde iocabatur. Ex his omnibus
colligebat Paulus, quid sibi fidei susceptæ causa
immineret. iam igitur tempus aduenierat, quo
per æratē ludo eum eductū, majoribus negotijs
applicaret, quod cum fecit herus, nouo eum no-
mine Fiosuge appellauit, & quia Christi deserē-
di aptius in molli ætate tempus videbatur, cau-
fas quæsiuit ex gendo nouum ab honorarijs o-
mnibus pueris iuramentum; huius certaminis
narrationem ipsis sacerdotis nostri verbis sub-
iiciam, qui rem totam scriptis litteris Rectori
suo Arimensi significauit; scribit igitur in hunc
modum:

Quærebatur de honorarijs pueris Mondos-
dono, obsequi eos sibi minus officiosè, quam o-
porteret, qua ex causa omnes monuit, se intra
paucos dies iuriandum ab ijs recens exacturū;
simul ad Ecclesiæ Præfectum, soter Gambo di-
cebatur, mittit, vti ad se crucem cum eius iura-
menti formula, quam Patres Neophytis præ-

I 5 Scripsit

scripserunt mittat; habebat enim ille inter eos
 pueros, Neophy whole duos ac Neophytorum fili-
 os, de quibus nihil admodum laborabat; nec in
 eos sed in solum Paulum haec faba cudebatur;
 conuocat igitur ephebos, à Christianis sepa-
 ram suum, ab Ethnicis quoque suum iuriuran-
 dum exacturus: à Neophytis incipit, qui quod
 Christianè iurauerant, Iaponico more, suo
 sanguine obsignarunt. Hic Paulus, quoniam
 à me (inquit) Here iuriandum exigis, ex
 Christiana id formula facias id velim: Christi
 enim ego quoque sacra suscepi. Iratus Mon-
 dodono respondit, ego sum herus tuus; tu fa-
 mulus meus es, imperata facturus, simul ci-
 mandat, ut Ethnicum sacramentum suo san-
 guine obsignaret: id autem sit in hunc mo-
 dum: Inuocato Cumasonogunguen (idoli no-
 men inter Iapones Principis) in schedula, qua
 illius monstri effigiem & appetitos habet non-
 nullos eiusdem characteres, iuriandū de mo-
 re sanguine consignatur; respondit igitur Pau-
 lus, se ab ea re Diuina lege prohiberi. Excanduit
 Mondodono, & quasi in eum vellet irruere ani-
 mi impotentiam præ se tulit: sed quoniam ade-
 vant reliqui, verbis duntaxat rixabatur, vrgebat-
 que ut faceret, quod iubebatur. Ad haec Paulus
 ait, se pro veteri more in omnibus, eius iussa ex-
 sequuturum, & quod eius in se beneficia sic po-
 stularent, sanguinem etiam in eius causa susur-
 sed

sed ad iuslurandum quod attineret, & ad reliqua
in quib^o sua ipsius salus æterna verlaretur, parere
illinulla ratione posse. His herus magis ac ma-
gis acceditur, quod à puerō sibi videret illudi.
Ergo ex summa iracundia in hæc verba proru-
pit, faciam nunc vt videoas, uter nostrum in hoc
sit certamine victoriam relaturus; tum reliquis
dimissis, sine arbitris multis quæ eius foret fen-
tentia exquirit stomachabundus. Cum porro
Paulus in eandem sententiam fere responderet,
ait herus: aut Christo, & Christianæ legi renun-
cia: aut ego te exquisitis pænis excruciaabo. At-
qui ait Paulus, hoc ipsum est, quod votis omni-
bus cupio: nam quoniā video mihi nunc in
Christi causa moriendum: etiam atque etiam
te rogo, vt non nisi lenta morte me conficias: a-
liaque multa adiunxit, quæ Spiritus S. illi sug-
gerebat. Ad extreūm eo rixa deuenit, vt Mon-
dodono ferrum stringeret, quo adolescentem
terreret, sed ille mox in genua proqolutus ora-
tioni operam dabant, armis arma opponens: ac
ne putaret Paulus hæc vana esse terriculamenta
capillatio correptum, totâ aulâ raptabat, pugnis
cum calcibusque contundens: demum ferro
ceruicibus iminente denuo vrget, vt Christi fi-
dem eiuret, si seclus, se amputaturum. Sed idem
semper erat Paulus. Ergo furore amens
aueris ensis acie, quasi ceruicem ampu-
tans, aliquoties eum pultat, irrito conatu.

alii

alia multa inter eum herumque transacta sunt,
eodem semper euentu. Denique cum in iurgio
vocem saepe tolleret Mondodono, aliquot pri-
marij eius asseclæ concurrere. Inter eos accurrit
illius nepos, & alius quem in filium adoptau-
rat. Hi Mondodono monent, indignum videri
Dynastam cum puerο rixari, sibi eum tradat, se
sanioribus consilijs effecturū, ut Paulus faciat
imperata. His vtcunque placatus Paulum mis-
sum facit, asserens se, nisi sermones hominum
vereretur, ne immanis haberetur, iam eum in
frusta discerpturum fuisse. Et furenti hero vi-
sum est eam rem minimè negligendam: vincū
ergo eum iubet, ense ac pugione exarmari. Et
ephebi insignibus ac vestibus exauctorari, dein
certis in ædibus conclusum à duobus tribusū
custodiri. omni colloquio, præterquam quos
ipse admitteret herus interdicto. Ad eum mo-
dum clausus est Paulus biduo quatriduoque
quos dies orando contemplandoque transegit:
ac si fortè aliquis è Neophytis ad ianuam adue-
niret, illius se enixè precibus commendabat. In-
cidit res subinde mirabilis nec minus oportuna,
clarissimum diuinæ Prudentiæ argumentū.
Mondodono famulus quidam, qui eius ad aucu-
pium accipitres curat, eidem carus in paucis, &
cui eius in ædes liberrimus erat aditus. Christi
licet sacra suscepisset, frigidè tamen nimis ea ex-
suebat: Hic Pauli constantia permotus se
collegit,

collegit, statuitque post hac in salutis negotio impigrè procedere. Paulum exin conueniens, ei operam suam detulit ad ferendas referendasque ad Soterem, rei sacræ Præfectum, litteras, quo Paulus noster, qui nihil magis optabat, mirum in modum est recreatus. Cum igitur se videret vincitum arcteque custoditū, planè sibi persuasit, se post varios cruciatus, demum extremo suppicio ab hero afficiendum. Optauit igitur ad animum quidem suum magis magisque confirmandum adferri sibi volumen Iaponico quidem sermone; sed Europæis characteribus exaratum, quos ille iam in ludo nostro didicerat: Hoc volumine Diuorum vitæ martyriaque illustiora describuntur. Soter eum ab Ecclesia Confusa delatum, Paulo mittit, qui quoties libere poterat, acceptum dies noctesque euoluebat, ex qua lectione simile vero est, eum quæ postea fecit ac dixit, haec sunt martyrum exemplo, quorū in tormentis responsa legendo iam imbiberat. Post quatriduum alta iam nocte Paulum herus in cubiculum suum adduci iubet: ac denuo instat, ut Christi fidem abiijciat: sed cum ille ut prius repugnaret, iubet ei tibiarum ossa duobus scloporum ferreis fistulis arctissimè stringi, tormenti genus apud Iapones horribile: quo in tormento, cum herus promeret, invictus Adole-scens ita respondit, si breuiter & clarè nunc animi mei sententiam scire voles, unicum est maximum.

ximum que votum meum, vt de meo corpore
ad libitum statuas here, donec abunde tibi feceris satis : & tametsi cruciatus acerrime sentiam,
siquidem homo sum, & mortalis : eos tamen ad
animum usque minime penetrare credas, quin
potius ex ardenti pro Christo patiendi deside-
rio, nihili facio exquisitissima tormenta. Ita
que rogo te, vt si me obtruncandi libido est,
id hebeti & ferrugineo ense facias, ne uno
ictu dissiliens caput, mihi plura pro Christo
patiendi eripiat facultatem. Immo se aiebat
optare magis, vt sibi vnguis ad unum usque
stirpitus auulsis, tum demum singulos per
ordinem digitos amputaret, inde nudum per
has omnes Insulas, vt esset spectaculo, circum-
duceret, tandem vt liberet assaret vel frigeret:
corpus ad illius nucum in tormentis obsecutu-
rum, animum Deo adhaesurum, a quo se spe-
raret conseruandum, ne in id crimen, ad quod
sollicitabatur, unquam laberetur. Hæc velut per
otium in tormentis Paulus, ad quæ Tyrannum,
licet ferocem, actutum collacrymatum ferunt:
cum ex his quæ audierat, eum vitæ huius produ-
gum videret, ne æterna, quam se breui consecu-
tum sperabat, excideret. Atque in hunc modū
alter huius nocturnæ tragœdiæ actus finem ha-
buit. Post biduum rogatus a nepote tyranus; vt
Paulum in gratiam reciperet, respondit sibi iam
non esse integrum ab eo interficiendo abstineret:
eoque

topue furore succensus exui eum vestibus iubet, & sublime sub axillis, certo quodam vincendi modo, apud Iaponios recepto, suspensum erigi: hac ratione pendentem aliquo tempore, demitti, ut acerbius vinciretur, imperat: nam coniunctis cum utroque genu brachijs, in globum vincitus denuo adducitur; quo in tormento cum precatoriā coronam minimè dimisisset verus Christi athleta, eam magno spiritu decurrebat Deum obrestatus, ne in pænis deficeret: sed vires daret ad plura maioraque tormenta toleranda. His ita transactis, cum opinaremur omnes, Deum hoc Ecclesiam martyre co-honestaturum; subito Tyrannus elanguit. Dicebat enim non satis se scire quid ageret: occidam mortis at ille causam nullam dedit, dimittam? sed mox in ædem excurret, & in sociorum fratrum numerum adscribetur magno meo dedecore: eum vero in famulatu meo, non eiurata si de relinquere, non minus ignominiosum reor: non alias memini, quicquam me vñquam incōsultius aggressum: sed iam iacta est alea, molliori facto superuenere hospites, quam occasiōnem nepos arripiens institit, ut Paulum vinclis exolueret. Verum cū nō impetraret, ut maximè volebat: efficit tamē ut eū apud se mensem vñū deponeret, dum hospites abirēt, Paulo se auctorem fore ut imperata faceret: si renuat eum exacto mense ad vincula pænamq; restituturū:

his le.

his legibus soluitur. Paulus multum veritus ne quid à se remissius factum aut dictum cum Neophytorum offensione spargeretur: rogatus herum erat: ut extremam manum imponeret, & mortem post tot supplicia ne negaret. Verum cum omnes ei suaderent, ut heri nepoti acquiesceret: acquieuit, de futuro, Tento, (ita Iapones primam causam vocant) prouisurum. Atque ita liber Paulus Mondodono nepoti traditur. Considerimus etiamnum Dominum eius vota expleturum: si quidem id è gloria eius fuerit. Saltem quod huc usque contigit, raro est firmitatis exemplum, & ad hæc fortasse tempora in Iaponia inauditum. Mox ut hæc audij in Saitzu (nomen loci est, in quo quæ dicta contigerunt) cogitabam: sed Neophytis omnibus ac Soteri maxime visum est intempestiuum, Iacobum tamē scholarem misi nostrum, quam in rem ille liberalissime obtulit, ut proprius accederet, meque de omni re faceret certiorem; denique differtur tanta res, sed forte quod differtur non aufertur. Non possum satis explicare quanto gaudio hæc Neophyti exceperint, ex Xiqui quidem vix se tenuerunt, quin omnes eo conuolarent, & vijs omnibus martyrem visitarent: eoque si moreretur, raperent, & hoc sanctum cädauer adueherent. Verum eos id retinuit, quod nondum satis constaret, quem finem ea res esset habitura: ego semper sane suspicatus sum fore,

vt Pall.

ut Paulum herus minimè mactaret.

Senex quidam plurimum mesanè affecit: nam annos natus septuaginta, ubi audiuit me ad visendum Martyrem itineri accingi, omnino voluit me comitari, nec ab ea sententia deduci potuit, quin id ætatis pedes equitantem seque-
retur Futape usque. & quoties de Pauli cruciatu-
sermo inciderat, tenerrime collacrymabatur.
Hactenus Pater scripsit. hucusque Pauli con-
stantia peruenit magna Ethnicorum admirati-
one: qui legem ex ea re nostram non suspicere
non poterant, mirarique quantum Christiani
salutis suæ curam habeant, ut eius causa tam ac-
cerbos ferrent cruciatus, quodque in pietatis ac
fidei negotio ardentius propè vitam ponerent,
quām reliqui conseruarent: quarum rerum
Paulus ille viuum speculum extiterat: nobis
quoque magno solatio fuit, cum videremus pu-
erilem educationem tantum in eo potuisse in-
tam tenera ætate, tantaque temporis breuitate.
Hactenus apud Nepotem depositus viuit eadē
semper animi firmitate, atque etiam credo ma-
iori, ex quo Pater eum inuisit: quod mox fecit
cum licuit, eumque peccatis expiauit, & consi-
lijs salutaribus instruxit. Ipse quoque herus iam
alius dicitur: nam de pristina acerbitate multū
remittens, subinde ad se Paulum euocat, eiusq;
opera vtitur, cui cum sit ob naturæ dona charus:
Deo multo est magis, in cuius causa tot tantaq;
tolerauit.

K Eos

1611. Eos inter qui Christi gregem au-
xerunt, vir fuit grauis, qui pagos aliquot cum
imperio moderabatur; & aliquot iam mensis
ægritudine correptus decumbebat: eoque iam
deuenerat, ut sibi moriendum esse videretur:
Ergo die quadam filium in hunc fere modum
alloquitur. Longo iam vsu & Iaponensium
seclarum peritia id sum assecutus, in earum
nulla salutem reperiri, de Christiana porro le-
ge, quantum subinde & casu inaudij ita sen-
tio, in ea sola salutem homini præparatam:
filius subiicit, videret etiam atque etiam Pa-
rens quid ageret, & quod certamen iniret: se
quidem sacerdotem mox accessurum, si hoc
plane federet animo: iam dudum, refert ille, o-
mnia hæc ad calculos reduxi, & satis intelligo,
quousque mecum Dynastæ sœuentis ira possit
decertare: & ita statuo nihil eorum salutime
præpositurum: ergo accersitus Pater; instructus
æger, ac deinde cum filio, Matre, coniuge ac v-
niuersa familia baptizatus. Ethnici qui id inau-
dierant, euentum rei præstolabantur, afferentes
nunc demum nullam illi spem recuperandæ
salutis superesse, qui patrios deos fæda defectio-
ne, ad iracundiam prouocasset: sed planè con-
trâ euenit, nam breui morbum depulit; quin e-
tiam cum ad maiorem Ethnicorum infamiam
in ægritudinem longè grauius recidisset, iterato
euasit, dum interim illi insultarent; tandem ali-
quando

quando Deorum vindictam aduenisse dictantes. Verum Neophytus nihil in sua fide titubauit, sed conceptis pijs sacrificiorum & precum votis, integerrimam salutem est consecutus. Qui morbi grauitatem nouerant, è quo per raro in Iaponia ad vitam ac salutē redditur, obstupuerū & pudore suffusi mirabantur, eum hominem Iaponiensium legum, egregiè peritum ab ijs defecisse: nec eam defectionem inter tot vitæ pericula luisse: qua ex re Neophyti reliqui non parum in sua fide confirmati, de eius victoria ex Ethnicis reportata exultabant.

Puerulus septennis agebat iam ferè animam, mater & auia cum alijs nonnullis, plus naturæ quàm gratiæ tribuentes, prophanos ritus, nescio quos, pro pueruli salute peregerunt, quin etiam cum neq; isti profuissent, agebant de eius funere Ethnico ritu curando: sed puerul⁹ seipsū colligens, tametsi cum morte iam luctabatur, ait, ego quidem in Christi fide morior, funusq; meum volo ritu vt Christiano procuret ædis sacræ custos, eumq; nominabat: vos vero mater & auia, videte etiam atque etiam quid egeritis: & si me auditis, pænitentia arripta, & ad Patrem venię causa aditis. Hæc res à puerulo id temporis profecta, tantam in omnibus maleficij cōplicibus admirationē peperit, vt mox eos pænitentia ducti, ad crimen expiandum, abiectis in posterū ritibus idolorum profanis, properarint puerulo

K 2 magno

magno Parentum, & eorum qui aderant solatio, in cælum non ita multò post euolante.

Neophyta quædam in fide infirmior, nec scio cuius negotij, quod ei præter spem ceciderat euētu perturbata, protestata est se in posterū Christi legem eiurantem, mox ad idoli quod Yuoxo sectarij colunt, fanum venerabundam properare: filiolam habebat decennem, quam etiam mater ad defectionem hortabatur, conata secum in fanum abducere; Verūm illa lacrymis obortis, in hunc modum matri respondit. Hæc tenuis ego Christianorum ædem frequentavi, Deum ac Deiparam colui; itāne vero Dæmonū fanum, in quibus nulla auxilij spes est, ingrediar omnino non faciam, neque permittam ut ipsa facias: si me non audieris animamque tuam omnino perdere statueris, me tamen, sic habeto, nunquam à Christi fide recessuram. Hæc filia verba & lacrymæ, ita materna viscera tetigerunt, ut subito in aliam, se ipsa mutarit: iam paupitens, & crimen confessione expiare promitterens, mox in ædem se factam cum filia confit, Patri rem narrat, & inter narrandum tot lacrymas profundit, ut vix à Patre solatium acciperet, postea de crimine confessa propositum iniit, fidei etiam inter aduersa retinendæ. Collaudatam verò puellulam sacris munusculis Pater donauit, & utramque ita dimisit, ut ex lapsu vires acceperint; & pietatis ardore incaluerint.

nam

nam in posterum frequentiores in eadem sacram
itabant, tametsi leuca tota distarent.

Neophytus quidam religiosus in primis,
vitam venatione sustentans die quodam vna cum
Ethnico venatore quoque, ad venandum egre-
sus, ab eo in itinere sollicitatur, ut à nemorum
numine imploret secum felicem venationis e-
uentum. Excepit Neophytus risu futile consili-
um; aitque se aliud habere numen, cui opinia
sua commendet: ipsum scilicet nemorum &
ferarum conditorem. Tunc inter vtrumque or-
ta disceptatione, conuentum est, ut ex venatio-
nis euentu de vtriusque Numinis potentia iudi-
cium esset. Ergo alter ab altero digreditur; Neo-
phytus in genua nixus Dominum rogabat, ut
ad legem suam cohonestandam Ethnicumque
conuincendum venationem suam secundaret:
vix orationem finierat, cum ecce tibi è nemore
ceruus ingens egreditur, qui viso venatore non
nihil in nemus refugit, eoque loco substitit im-
motus, vnde venatoris sclopus vix poterat ab-
errare. ergo eo exploso primo ictu præda cor-
ruit, magna cum Ethnici admiratione, qui to-
tum eum diem per nemus vagatus, prædam ne
oculis quidem cæpit.

Neophyti complures febrim tertianam a-
quæ lustralis potu expulerunt: quod est apud
eos vulgare huius morbi pharmacum. Alij ean-
dem corporis valetudinem integrum, peruigi-

K 3 les in

Ies in oratione per vnam in æde noctem impe-
trarunt. Quodam in pago deerat Neophytis nō
ædes solūm sacra, sed etiam oratorium in quo
conuenirent: eius enim loci moderator Ethni-
cis ritibus mirè addictus, & Christi sacris infen-
sus nihil permittebat, sed Dominus ijs admira-
bili euentu de sacra æde prouidit. Loci modera-
toris parens etiam filium in idolorum cultu su-
perabat. Ergo celebrem peregrinationem insti-
tuit ad nominatissimum tota Iaponia sanum
idoli, cui nomen Tenxadaexri, in regno Yxi,
quod aberat ab hoc loco ducentis non minus
leucis Lusitanis, arbitratus hac se peregrinatione
sacrum fore, omniaque sibi quæcunque aggre-
deretur, in posterum ex animi sententia cessura.
Sed omnia ei contra contigere. nam ab hac pe-
regrinatione reuersus subito Dynastæ gratia ex-
cidit, & intra breue tempus subita morte bis in-
terijt, quod cum filius, huius loci moderator ad-
uertisset, in alium, repente mutatus, idolorum
cultu si non demisso saltem remisso, Christianis
fauere cœpit, eisque facultatem fecit, ædis con-
struendæ; quam in rem ipse ligna in singulos
quæ adueherent, est partitus: ipseque operas
quamdiu eo in opere laborabant, magna ex par-
te aluit, & quod maius est, de Christi fide susci-
pienda, deque idolis, quæ nihil Patri profue-
runt, deserendis deliberat.

De